

石雲山人詩集

石雲山人詩集卷十九

京堂集

丙申
丁酉

南海吳榮光伯榮

和阮儀徵相國師石畫詩韻

烟閒雲澹天與誰鮮明經用惟昔師二唐七宋七元畫
合唐十二宋四詩詩首李杜各流派畫向南北分宗支
點蒼山神听然笑如斯粉墨甯頑癡快觀縱橫文卽筆
博采十六象而滋已抹濃青上螺髻亦畱空白如羊脂
離離牛毛與鱗爪儼儼黛色兼霜皮天然絕去摸繪迹
畢宏韋偃夫何爲是畫非畫俗莫辨有聲無聲當自勿

吾師退食坐齋閣衆峯羅列名命之靈心拈出神逸品
妙意節取清真辭石不能言但點首客乃大悟齊軒眉
復以小字書之冊中有真氣相涵漓假我三日米芾癖
捫之萬遍索靖碑更贈數幅一幅赭丹砂輝煌雙鬢絲
題句云一峯全變作朱砂忽念求士如求石山中磊磊來奚遲相公
吐握在今日搜羅裁就皆瓌奇精華有得各自獻泥塗
之辱安足悲君不見此石雖小登屏翰茫茫遇合令人
思否則投閒置邱壑青山招我甘老唐虞時

和阮儀徵相國師小石屏詩

有序

道光癸巳二月夢儀徵相國師至余湖南撫署
手一小緘見贈啟緘則雙緋牙牌也越月師以
雲貴總督入主禮闈憶余由嘉慶己未進士出
師門下是歲吾弟林光成進士亦出師門余行
一林光行七恰符雙緋之數以爲此夢驗矣今
年丙申余改京堂時師已入相余甫進謁師手
一小緘遺余宛如前夢開視則小石屏屏止一
峯朱色爛然師題詩云葛仙處處可移家藥白
丹爐共鹿車偶向點蒼山外過一峯全變作朱

砂余和之云

夢先靈采到吾家曾憶高軒一駐車今日長安人漸老
感公分此好丹砂

丙申七夕程春海少農招集蔡友石

世松

京兆齋

同集者徐舍人

松

溫郎中

啟封

觀書畫索詩

秋光炯盈旬照見七襄機天工發人巧終古烟雲飛烟
雲亦何常領受人自知當其揮毫適萬象歸涵瀾能以
六八法而爲書畫詩司農博物才招我來探奇各出神
妙品况兼山水滋六朝及唐宋下逮元明時悠悠千載

心撫卷相然疑我愛任君謀秋懷書退之爰及趙王孫

一賦

文賦

及兩碑

高峯碑福神祠碑

陡然今昔感但覺風燈馳

諸迹

多十九年前在京曾見者

幸我久風塵良會仍及茲是日曝書畢行

厨蔡家移伯喈元凱次子昇文章姿更有季海筆彪炳

光陸離紅燭列風雅清樽照鬚眉世界有升沈吾道誰

險夷四座且勿言請看古人遺義獻薄軒冕倪黃甘迂

癡點筆如烟空行墨如雲隨智者無疑滯達者無盈虧

迴頭問長空耿耿銀河湄

題蔣丹林副憲

祥墀

童子釣遊圖卷

聞風吹天門西江淨如練江山幾代才人文五色綫盛
業有少壯初心無隱見峩峩都憲公三世玉堂彥子作
天下魁孫入探花讌乃以宦成身迴思及童卯故鄉釣
遊隔託筆烟雲幻

主恩過翁孺臣節豈佞羨况茲燕貽歡足慰鴻飛倦迢
迢五華峯昔昔雙泉淀宗慤臥遊圖崔邠列鼎膳人生
行樂耳何處非槃澗開卷感我心天南數歸雁

題朱之蕃仿李龍眠畫坡公笠屐圖

誰知羣笑咲已畫李龍眠託躅諸黎地迴頭萬里天天

風展雙影海雨笠孤圓何物朱元介江山畱謫仙

題錢舜舉蘇李河梁圖二首

此弓會藏余家

重感河梁萬古情悠悠俛仰此身名恩加典屬歸來日
可憶瓊廬李少卿

不必然疑贈別篇

覃溪老人跋辯李詩之非真

茫茫過眼數雲烟卽

今還我觚稜夢已閱風塵十九年

余自戊寅外任至今恰十九年

題虹月樓卷

此弓馮海粟贈朱君璧詩楊鐵厓以樓供朱君璧畫有虹光貫月作記朱

拱辰補圖周倫彙萃成卷

馮言羅漢盧陵伽南海纓絡鉢袈裟楊言紫霧翠蓬闕

崑山片玉峯前月此君妙相頰三毫亦能彈指層樓高
世間書畫一小技熊熊氣乃凌江起後二百年有周倫
彙萃一弓招墨神夏榜殷銘不可攷補圖僅稱孫拱辰
荷嗟有元多隱僻碩士烟霞各晨夕揭虞歸老倪瓚迂
江南又見朱君壁披弓忽思吾所藏仙聞幾層雲氣蒼
臨風浩歌呼老鍊來看吾家虹月光

余有朱君壁
仙山樓閣圖

漢鈎弋夫人婕妤小玉印詩

有序

漢後宮爵位至武帝制婕妤俗華充衣等號十
三元帝加昭儀位婕妤上凡十四等婕妤實始

武帝縫言接幸好則美稱也稽漢書趙氏爲婕
妤者僅見武之鈎弋夫人與元之飛燕合德凡
三人此印白文婕妤妾趙四字詰曲縝密用五
等繆篆法鴛鴦紐紐印高不過三四分方不及
一寸玉質瑩白內隱桃花色以他玉較無敢與
比色者眞羊脂白璧也相傳爲昭陽姊弟之物
余謂燕飛倉琅根啄皇孫且白虎殿晨傳失衣
羣衆謹譁縱金塗壁釭制度侈美而被庭發狀
北宮啄矢其印當毀安得流傳至今况婕妤之

策拳夫人在前自以鈎弋所佩爲定印爲潘德

輿比部

仕成

所得屬攷證并糸以詩

漢制號婕妤實始趙鈎弋維時十三等后下無與敵河
間有奇女六宮無顏色玉冊與金章照耀人當夕何期
二千年留此方寸璧詰曲縝密篆蜿蜒蝌蚪迹系氏對
君辭稱爵修婦職紐有鴛頸交角瑩羊脂液想入拳然
手摩挲幾珍惜謳者侍軒權倡者絕世立何如堯母門
麟定螭羽緝忍譴甘泉宮外家置園邑後有陽阿家飛
燕及合德同姓且同位怙寵何悍逼舍彼而取此慰我

懷古臆

自題所臨高尙書山邨圖追和仇仁近韻

雲氣日蒼茫何處詩人屋悠悠五百年芳荃幾懷祿與
爲謝安草甯種陶潛菊胡各競冥升而不念迷復我懷
仇山人自矢寤寐獨况有高尙書爲寫烟霞谷小隱居
山樊晚節愛林木本非軒冕才但快遊觀日無田曷不
歸二疏誠知足興來臨此圖預證還山卜

卓海帆少宰

秉恬

重招看菊和韻

倦飛才得脫風塵最感嘉招不厭頻座上忝陪金鼎客

芝軒相

花間同醉玉堂人

坐中五人皆翰林

賞心正喜秋剛滿

是日立冬

笑口相看老更親只念故園三徑晚天涯孤負

頭春

和及門黃大守

安濤

見寄元韻

正是重陽寥泐天登高南望意悠然思君雲水三千里
慰我風塵十九年話到

聖恩方刻骨感深華髮已垂肩避賢擬泛江湖棹不費
君平買卜錢

題戴文進畫介子推母子偕隱圖

昨觀文公復國圖

李晞古畫

羽葆輝煖千人呼皆云從者足

以相錦衣意氣趙與狐此時綿上天模糊青山綠樹人
歸乎寵利罔居臣有母身隱無文尤不朽猗嗟後世徒
紛紛良弓未藏烹走狗一笑黃金大如斗嬰陵之母成
子功韓彭之烈竟不終人犧已犧亦何事不如還山訪
赤松欲往求之人無蹤癡人貪天白水約西望同心誓
如昨善既能旌卽勳名祿如得及終纏縛可憐富貴等
浮雲爲問古今幾林薄君不見後有千年晉水清禁烟
大繪凌烟閣

不羈山人集 卷十九
自題石雲山圖

我家在南海北去爲佛山山中有石雲在我東南間峩
峩兩三峯傍繞水一灣石日與屹立雲乃相對閒我辭
山七載奔走風塵寰本爲邱壑姿胡乃烟霞壑况當垂
暮年惜此雙鬢斑無田亦當歸勿使嗔我頑

題畫

衮衮諸公調雨晴雲山滿眼正鮮明天南一角林泉好
待我歸來話太平

題李晞古山水

有序

道光丙申十月九日春海司農招集觀書畫余
聞至此幀曰此宋人小斧劈皴非後人所能爲
覆視外籤題曰唐子畏山水衆愕然余細勘無
子畏款識於幅左旁得李唐二字爲皴筆掩其
半按唐字希古河陽人宣靖間初至杭無知者
貨楮畫以自給嘗有詩曰雪裏烟邨雨裏灘看
之如易作之難早知不入時人眼多買臙脂畫
牡丹後有中使識其筆曰待詔作也因奏聞得
官畫院此幀爲司農購得屬余辯正因系以詩

不是明賢是宋賢後來無此好雲烟臨安道上人何處
待我相逢七百年

四友圖爲李孝曾

宗傳

觀察之叔抱犢山人題

身外英華世外芬梅蘭松竹合爲羣幾生修得換凡骨
一日何能無此君潔共騷人餐陸露高如貞士解凌雲
文章臭味神仙福畱得餘香小阮薰

萬柳堂拈花寺有元人畫雪景阮儀徵相國師於
辛未歲題詩付寺僧收藏茲以重裝命題謹和
其韻

風雪滿天誰入畫畫者姓名俱不挂范寬疑從摩詰來
朱繇或當道元賣蛛絲煤跡幾輪迴擾擾怕河沙世界
寒山拾得去住因只有金剛身不壞二十六載付裝池
吾師補袞天人快何須米老押印存豈有桓家寒具怪
况今同雲尙未下但向畫中滕六拜共祝玉田萬頃報
綏豐渥我土膏待春曬

程春海司農招集家紅生舍人

贊晉

寓閣賞雪以

林表明霽色分韻得色字

同集者徐禮部松徐太史寶善賓主五人

風雪暖長安却掃方偃息忽來急遞徵置我水晶城崢

不雲上集卷一
嶸暮景斜憊慄寒光逼授簡選詩材開尊得酒力是時
月初圓渾渾天一色萬籟宵以靜四野浩無極凍棲或
鳩烏裊影但草棘北斗掛芒角西山照堦城良會信多
暇羔裘集五緘吳剛月戶開徐陵玉臺式况乃正霏甘
任土司徒職盈尺召年豐萬頃宜農殖共此太平懽各
飽

大君德同雲滿天南伐檀在河側何時許歸耕及我好
稼穡

錢舜舉白梨花卷

誰向天漿挹南斗釀出詩人風露手詩人閉戶寫新妝
寫來寂寞闌干後亦知帶雨春愁重那更隨雲仙夢守
一枝嫋嫋風態多萬蕊濛濛露華受想當雪川高隱時
筆精墨妙淨無垢玉府清虛信有情鈿車競逐原非偶
五百年來畱此紙十八人觀記誰某鶯來蝶去幾天涯
兩宋江山一遺叟借觀三月等瓊琚勿遣六根掛桃柳
題罷卷還與主人散花不著吾何有

丙申七月朔史望之大司寇招同白小山

銘

毛伯

雨

式解

楊蓉初三同年小集續繪五緯聯珠圖

卷和韻

秋光邀得野雲停重話師門五緯星一紀敦槃餘爾我

甲申至
丙申

六人枯菀感風霆畫圖省識新歡接歲月頻移

舊夢醒儘有上台衣鉢在

謂雲臺
相國師

待傳千佛幾名經

十二月二十二日程春海司農招集展拜東坡生

日余以施顧注蘇詩重摸李龍眠笠屐圖劉待

詔風篁二老圖至會以一曲鶴南飛分韻得一

字

奎光照人朗如日照遍山川發華實磨蝎橫干不能掩

遂令千秋亘暉吉雨笠諸黎笑吠天風篁二老禪那室
賜環客甫嶺海回作箋人已施顧出故紙迢迢七百年
蘇齋辦香寶殘帙

國朝名士盛前代書家畫家齊注筆我藏十載捧匣來

司農一炷同嚮盼龍眠遺像待詔圖並筵如接笑談密

展拜已遲三日期揮毫各攄五采裔

司農及祁淳甫雋藻潘芸閣錫恩兩

司馬徐廉峯太史並余五人

玉堂每感古今才寶蓋誰叅去來律巢

痕未掃仍星辰爪印長畱幾鷓鴣南望江頭玉笛飛九

霄寥泐鶴聲一

諸城劉氏槎河山莊圖卷補和石菴相國元韻四

首

圖爲相國會大父結廬地唐岱畫王原祁題

當代調羹手起從槎水濱卽今開卷日長憶結廬人鬱鬱神明相迢迢太古椿流連思往迹珍重貴能貧

已閱三辛卯

康熙辛卯至道光辛卯

重經歲六過

今年丁酉五蓮相映

發八葉此森羅名相傳薪地世臣喬木多錦秋風月好
夜夜照松蘿

百里陂陀護千源接引長九仙好風景一寢寫蒼茫王
綬誇敝法唐寅得辦香畫圖名德在肯把釣遊忘

門庭纔旋馬霄漢各儀鴻宅已推裴楷

公之先人文正相國讓兄居此

墩長保謝公勞成鍾秀近齊魯炳靈中他日雲祚接韋家幾孺翁

潦倒師門客濫竽曾賞音

余爲公小門生

後來難楮墨先輩盛

纓簪谷口烟霞老平泉歲月深岱宗青未了東望託遐心

徐星伯儀部

松

西郵策馬圖三首

圖爲多餘山侍郎慶畫

揚鞭萬里不妨貧誰識書生橐筆身待補

熙朝文獻攷慈河今有注經人

君有西域水經注從來方輿所未備

妙筆曾憑顧凱之詩蹤切近頗能知玉門風雪彌天路
想見關山立馬時

魚海龍堆入旅吟何須珠璞感升沉廿年回首湘南節

一樣孫陽相馬心

君曾視
學湖南

題劉文清相國節書漢書及匡廬誌卷三首

幾代江山幾代賢一枝好筆寫雲烟可憐鄧寇功名會

匡俗逃名二百年

鄧禹寇恂列傳

寫到迴車人姓馮勞謙耿耿盡臣衷蔚森大樹原堪坐

坐聽軍前各論功

馮異列傳

我別匡廬十七春

辛巳遊匡廬

棲賢三峽問前因詩成廿首

塗鴉字爭得如公筆有神

匡廬志

爲林少穆

則徐

之太翁陽谷先生

賓日

作飼鶴第

三圖并題二首

少穆時升兩湖總

我憶辭閩日傷同望鶴歸

戊子余在閩奉先君諱遣歸君適持父服

十年霜

露林幾處稻梁肥今昔三生石荆湘一品衣
瑤林培養

地重爲寫鳴飛

寥泔天衢路遺音讀小鳴

封翁集名

林泉商出處修潔證平

生竹露便娟潤松風匝匝清在陰占子和千古感貽名

題卓海帆風泉滿清聽圖

我聽風泉

上苑來

圖句爲丁卯考差題
余以是科典浙試

飛來峯磴爲誰開信知心

跡雙清地合付江山大雅才琴筑有源資灌漑松篁何
處著塵埃惟他萬籟澄相待待到詩人屐印苔

卓海帆西華晴雲立馬看圖卷

丁卯晤鶴樵辛苦說華嶽

與君同登
華嶽者

厥後鮑雙五十篇

持商榷

鮑雙五登西華
作五古十首

迢迢三十年西望但慚懔戊寅

過玉泉靈源僅一濯立馬看三峯插天自森削欲往捫

峻嶒山靈不我諾豈意山水滋大雅先有作既具此手
筆又能整腰脚遂至峯絕頂四面攬寥廓言尋十丈蓮
或采五靈藥洗頭玉女盆撫掌仙人嶠高天呼吸通大
地心胸拓到處鴻畱痕重經馬維駱晴雲送將歸繪圖
詩繼著我今披此圖前塵杳聞若佳遊難重期好景當
前錯多恐筋力衰但把烟霞託今夜夢函關惟見雲漠
漠

食筍齋圖和韻

齋在澄懷園爲黃左田尙書鉞入
直宴息地黃告歸祁淳甫司馬居

此圖有尙書
兩次畱題

食筍齋前排玉筍渭川曾滿頤堪采一縷風雲近日邊

九霄沆瀣懷江左已惜鴻泥兩度畱

兩子戊子

更披蠹簡重

開坐地分清切宵吹香天護便娟淨無垓羣青遠送西

山圖萬碧待放南湖舸忽感先朝曝直人也曾衣鉢傳

青瑣

朱文正師桂文敏同年均曾居此園

巢痕誰問三宿桑舊事重懷六

根果七載空經過從頻

余在翰林七年屢曾借宿園中

卅年自愧風塵

墮今日詩蹤數房杜同認墨緣各坡可美才釋木快操

觚

卷中有程春海拙賦

大雅扶輪長轉輾欲作當年王子猷造徑

恐遺門外我

黃左田尙書爲徐廉峯編修

寶善

作憶壺圖廉峯

索題

歸人寫歸雲本得山水態空使未歸人前望若茫昧矯
矯老尙書身名綽能退重來爲君畫憶壺壺宛在前身
雙井蹤妙手大癡配君壺亦寄耳豈必新安埭但得壘
因緣聊寄詩感慨南浦日夜流西山緯繡黛一并入澄
虛與君供澹對君是蓬瀛仙勿念綺黃輩及此日月長
相期霖雨逮出當爲遠志時乎不可再人生一盛衰吾
道有明晦我今披此圖老矣懷祿悔何時歸去來負我

故山未

題米南宮雲山圖卷二首

界畱緱髮墨畱痕此是南宗不二門可笑希真與端伯

敢於有佛處稱尊

希真端伯題圖上方未免爲此圖之玷

模糊膏懂故能工縷析條分妙不窮可笑有明臨米手
粗枝亂葉說南宮

釣魚臺展修禊詩

丁酉三月十三日

雨過二日天氣新郊原澹沲清無塵忽憶禊事剛逾旬
有客臨流同攬巾顧我屢經蒙垢身一被再被奚嫌頻

好風東來吹粼粼，俛仰天地相陳因。
釣魚誰者臺之濱，至今野老仍垂綸。
楊柳有眼青無言，况我三十二年烏
兔痕。余以乙丑修禊於此升沉過眼空雲奔，
昔日此水與此辰。今日此境與此人，
快哉適我惟大均。回望西山如有神，
爲我散布大塊羣芳春。

和程春海獨樂寺二首

滿目紅塵路人言，淨土緣烟畱雙柳。

寺前二柳今補種

雨憶

百花泉

花雨亭今改名

香積伊蒲饌，明光視草仙。讀君詩句好，

春已到毫顛。

廿載重遊地騰騰感歲華三幡塵外果七椀日高茶每
見祇林換偏懷良木嗟

朱文正公常攜余遊此

天涯春漸老愛惜

閒簷花

和程春海釣魚臺詩

選坐依林影冷然得善風水天芳草外雲日碧陰中潭
靜心同寄源深道不窮欲呼垂釣客妙手較雌雄

題桂杏農

首

理安尋夢圖爲其兄文敏公作

有序

覺羅文敏公桂芳以使事卒於武昌間未至曹太傅文正相國夢文敏告以前身與太傅俱爲理安寺僧伊先往候他日太傅同來云云越數年文敏之弟桂菖官杭嘉湖觀察作此圖屬題

因以文敏題余湖
山秋霽圖句發端

君昔題我湖山圖云是前身來西湖閒雲微笑日欲晡
三年秋氣寒菰蘆西湖南通十八澗松巔之閣亭亭孤
何人卓錫開浮屠君其騎鶴來歸乎後廿一年丞相車
尋盟繼至言非迂公卒後廿一年曹太傅亦歸道山視今視昔在一夢
說夢乃起君友于我我介弟持麟符聽政之暇臨僧廬
物色分畱天一隅山容如舊烟模糊豈知君身在玉壺
下觀人界空喧呼此人此景良有無露電夢幻泡影如
神仙富貴徒區區欲問波光嵐影何處毘婆廬

題程春海陶谷餞別圖時余將出京卽以志別
古洞含神霧空山有慶雲題襟人惜別讀畫客多聞金
石原同契塵泥奈以分論交將一紀我亦愴離羣

同懷弟彌光樸園編輯

子尙忠春卿

尙志任卿校字

石雲山人詩集卷十九止

石雲山人詩集卷二十

閩藩後集

丁酉戊戌
己亥庚子

南海吳榮光伯榮

蒙

恩再授福建藩使作

丁酉三月十七日

已分朝班棄置身

需次再遇
京缺未補

聖恩翻許作藩臣此心只有

高天鑒今日方知大地春五國省臺空舊夢六旬宦轍
又勞人三山此去經三至畢竟因緣在天津

良鄉

擾擾爭名地於今廿一來只憐行客路豈有過人才風
鶴飛仍進雲鴻倦未回琉璃河畔水洗我幾塵埃

客途

綠聚忽成厓炊烟一縷斜客途問朝食春色幾人家雨
氣淨羣草風痕隨落花可憐詩境好催我鬢絲華

涿州盧敏肅制軍

坤

宅作示盧氏二子

二十九年同被

先帝知同出吳縣門願爲

皇國儀亦作臺院官分掌兵刑司迢迢春復秋宦蹟幾

推移及昔辛卯歲君秉荆湘麾我亦擢撫湘同官朱鳥
維是時逆氛提鎮均失機我持節遄征分兵防九疑
後一月君至遂乃總其師而我籌軍實戒濫多怨咨百
日戈所指戡定西南陲君勲則已高爵級光牙旗君移
督百粵我攝其部吹衡州半月聚商定營伍宜一從深
夜談善勸過相規臨別各執手贈言無飾詞君謂我太
急操急難爲絲我謂君太好見好難爲施我勉守此言
五年已於茲不謂此別後相見長無期今日登君堂悵
然徒傷悲貴冑皆英俊少者尤丰姿贈以白玉佩言念

人溫其我囑君二子有後無弃基涿山氣淑清涿水波
漣漪君家漢唐來子幹與杲之名德二千年代有人傑
詒况當

聖恩隆世受豈等夷珍重出門別天星明尾箕

草花

蹄涔幾汗血開到草花微日色厭厭倦風光冉冉依萬
塵誰護惜一雨偶芳菲莫羨栽桃杏秋來亦具腓

平野

微雨才過二麥田今朝平野淨風烟孤嵐乍靚窺天曉

萬綠初騰照日鮮
草木清和開首夏
關河迢遞送華年
此行屈指將徂暑
感到

君恩著一鞭

東山店早行

一盃燈殘上笱輿
侵尋寒氣到衣裾
誰家先起晨門鵲
何處頻敲夜柝魚
未免告勞猶有夢
從來感惠更無書
却憐老驥思千里
暮景飛騰尙自如

揚州四并堂芍藥

堂爲福州李觀
察彥章重建

東風知我欲畱春
爛漫繁枝到眼新
正是揚州好花事

可憐閩海一詩人稱心金帶誰今昔婪尾珠槃又主賓
爲問魏公堂上月後來曾照幾芳塵

平山堂連理紫薇

第五泉南樹連枝出紫薇垣星與璀璨山月門芳菲娟
妙天雙窅英靈地一圍有懷人對坐同德在

綸扉

謂阮揚
州相國

題陶雲汀制府

湖

印心石屋圖二首

大江南北接資湘繪到

君恩一水長吳楚萬家瞻

御翰烟雲千古識臣鄉

天緣合契嘉名錫地以培英應運祥我憶茱萸灣畔過
泠泠聞得墨花香

正直中流一柱支邱園養望太平基果符掛印金湯寄
長作同心水石宜

神妣文章三楚煥威公忠藎

九重知今朝讀遍摩厓字最感

明良晝接時

余壬午過仙霞嶺詩四首今重經此嶺江山楊令

紹霆

已刻之石楊已作古人感而作詩

長嘯問山雲向我幾度青徒然身世感豈有翰墨靈詞
賦滿江關誰鑄劍閣銘亦知終叢殘取慰耳目經我作
仙霞詩豈與霞爭瑩但覺置身高招此天風清丹竈非
仙才錦囊亦時名何期十六年災刻勞珉貞我詩和前
人後人繼其聲紛紛謝眺屐林林孫覺亭山亦有向背
水自分琴箏今我三傳舍余三度官閭往返過此爲君數晦冥一
惜雪泥茫茫悟風霆君今不可作山色空崢嶸登高
一回首嗷然聞鶴鳴

登江郎山

朝暾匿不出浩浩烟雲氣欲訪江郎去藍輿八轡黻齋

心與默禱蒙茸撥榛蔚忽驚對面至縹緲天人貴盤桓

復盤桓四十五盤旣

山凡四十五盤

杲杲日當頭下方盡開霽

何來三巨人差肩立天際三過吾漸衰始結山水契一

卽西昂藏峩峩聳高髻其二欲往參瘦骨崢嶸銳三亦

丰采峻伸足蹈東蟠凜然此公孤餘峯盡奴隸羅下有

兒孫化立豈兄弟

相傳江氏兄弟三人登山羽化

我觀華頂峯隱隱金

光暫又聞海上山轟轟鼉鼉采麗此皆有神工俗說都可

替問郎郎點頭感我前生慧振衣到招提乞郎一杯漑
今夕何處宿台星明象緯

入閩境

九牧站

又感馳驅九牧才閩南三見翠屏開江山憐我鬢眉換
婦孺依人笑語來敢謂識途如老馬多妨仗櫪已羸駘
泰平事業吾何有只問甘霖第幾回

連日大雨

建溪三首

一碧南流七百里青山宛委相終始我乘新漲快沂遊
萬樹參趨萬雲委兩槩如飛綠陰裏對面相失無尺咫

忽思前有黯淡灘兩度經過華髮起

錢錢二子武與夷深居九曲清漣漪欲往從之道且阻

擬遊武夷未果

紅雲如幔空相思風月娟娟笛聲起玉清洞府

紛然疑今宵泊宿萬樹靜要與白鶴爭一枝

建溪日日多南風我行則南風無功誰知水力勝風力
矮舟曲注如游龍問我何者烟雲蹤天涯暑雨人孤篷
明朝相將到水口尙及閩海離枝紅

三至福州和丙戌再至韻二首

十七年來話

太平閩江長此水盈盈雲開每識三山峻風定重看九
海清數到吏才能有幾感深民瘼又關情兩番求治知
何補况復蕭蕭華髮生

閩山連亘粵山蒼南望歸雲接上杭

聖主未容戀邱壑微臣空自感星霜萬家少壯催吾老
十郡興除計汝長爲問此時心與力可慚前度說豐康
侯官舟次寄樸園家弟

迢迢三度到甌羅幾閱滄桑幾逝波宦海風迴仍放棹
鄉關雲近未歸窩暮年兄弟經年別少日親朋去日多

不謂秋來鷗鷺約一官緣此又蹉跎

和家伯新學使

孝銘

見贈原韻二首

曾爲浙江主考

十七年來憶九閩來經三度豈知津暮年蕭瑟歌槐柳
近局支持計廩圉地力已多今昔感天心惟乞雨暘勻
催科撫字都無術慚愧人前說牧民

一杯清水酌宗賢憶到樞庭榻共聯客夢玉珂揮草夜
主恩珊瑚拔茅年西湖風月人如昨南國星雲坐屢遷

三百卅三亭畔石

院署亭名

點頭同聽話延綿

六月廿有六日鳳池書考校和院亥韻二首

敢謂文章老斲輪憑看三度鬢華新六旬慚愧師兼友

九載推移楚又閩余戊子以禮去閩繼官於楚計今凡九年矣丹桂陰添前

度影紅薇香認舊時身皆余昔年手植五科別後雲衢路自去閩後

凡閱五科中者七十餘人喜話林林振翮頻

八百年來上相堂書院為宋狀元宰相許將故里芙蓉先照五雲光乙未

林君鴻年大魁金門儘許傳衣蓋先後山長皆翰林石室何勞列豆觴

諸生屢欲供余小像屢却之夜月昔曾懷鵠立秋風今又見鴻翔欲

知此地滋培意請視屏山萬木蒼

戊戌秋興立秋第七日作

顧榮明智好防身宋玉離憂正屬文
七日秋心鵬鶚起
半年鄉思燕鴻分雲移霄漢微微淨
水束江河漸漸聞
只有勞人歸未得昨宵涼月照榆枌

福州七夕

歲歲內家忙逢秋賦七襄天涯風俗異故國果瓜良
耕織星雙照東西水一方仙家如可乞我合拜牛郎

七月七夕早行作

何來織女駕雲車祝爾延年富貴家
天上橋梁方待合人間風露况添華
古懽昔昔姻緣好老境駸駸齒髮加

只有勞薪依舊轉一鞭追趁曉烟斜

張雲巢直指

青選

論書讀畫圖

範水模山各淺深
媼來鷺去幾銷沉
六旬空有雲烟眼
千古誰知顧陸心
嘆我篇章多散佚
感君圖說重追尋
絕憐一角山樵墨

君藏九龍山樵
小掛幅最妙

十七年前想到今

得雨

八月十五日

山川之氣感則通與人最近相沖澍不敢呼天高九重
格天乃是帝者事守土之臣何言功但使封內百神奠
感召和氣恒周充有禱斯應原非空近代索鬼不足恃

告以捍禦道或窮不如師古祀水庸百土有人心其同
甫越三日雲溟濛及此之旱未太甚雨我公私田南東
若俟旣甚不可沮吁嗟何救乎三農有謂求之太早者故云是時
晚稻方青葱阿香鞭車奔靈輿夜半催起蟠龍慵地渰
天淒浩無際飄輪靄軸紛相從初疑趁趨走萬息繼乃
滂沛周四封荷鍤淋漓畝千穰篝燈歛灑人雙篷山靈
海若各無語請與父老歌綏豐請與父老歌綏豐歌聲
應徹蒼蒼穹

阮儀徵師齊侯罍詩和韻

戊戌孟秋日乙丑天風吹和雨盈缶發函忽得吾師書
教我古文識字母陳田遺器拓金龜玉二壺二等圭卣
誓于南宮志大樂紹從召聲古義取想當紹樂初來齊
筮他有耀觀之否

叶借

媯姜遞育策卜五拊擊盡善節存

九工正之允各賢奸常爲正卿鞅御趣惟有始大陳桓
子三命益恭偃僂走桓之子蕞能象賢羈旅小臣而有
後作銘合付田家宗尸祭爰及姜氏婦餘者爵事各昭
穆自難一一記誰某此銘殆始齊侯命上遡子完六世
久文明流澤孔延長醉飽介福同稽首銘中識樂兼識

舞神人以和垂不朽吾師開卷羣雅集問字車來或載

酒銘當作自景公時徵招角招如一手夏如九夏夏日

大甯以禹聲爲藉口

以上述師說

黃黏薑土从莖省說文訓

字博且醜

何子貞說

子莖謚昭非謚武新知乃在陳編守

陳頌

南說吾師更推左史義能以有間入無厚左言白皙必子

莖與失弓者分左右開也莖也杜誤一並立不辯箕與

斗史言四乘啟逆謀我謂子莊非莖友

借用友弟之友

况索隱

言無八人服杜之說終疑蔽

陳頌南說余疑之

子莖自是公室

忠不然胡保大紹受撫卷長思中古時旦復旦兮卿雲

糾節行八風禮樂備精華四塞天地剖何期諸石儀鳳
皇尙入吉金篆螭蚪干羽功成太平相惟其似之是以
有迓于

天子紹鼓鐘銘言敢取爲公壽

喜琉球冊使至二首

林修撰鴻年
高編修人鑑

最重

君恩最壯遊萬靈往返護行舟

天臨羣島蛟鯨靖人指重溟日月浮

聖德綏徠嚴糾察

奉有
詔諭稽查

臣心清白尙咨諏中山使

事曾三見

嘉慶五年十三年及今而三

僅見乘風六日郵

放洋往返各六日

雙鷁星飛直北來八騶雲擁遍南垓浙閩山水行滕熟

文武威儀畫錦回

兩使者皆路經珂里

一品集中真巨手百花頭

上信高才

臨軒正念皇華切好博

天顏一笑開

秋感

匆匆過眼儘繁華讓我巡簷一笑加春色已闌任反舌
秋聲初厲起衝牙豈無警露乘軒鶴亦有憐風赴壑蛇

乞汝澂明天上月畱將晚節照黃花

題麻姑進爵圖

清淺蓬萊事有無
方平行酒繪麻姑
却憐老境紛華澹
勞汝新成晉爵圖

老人生日女祿卿
壽以麻姑進爵夫
人生日復寫

羣芳獻壽漫題此詩

二月廿二日

買春春甫過花朝
共喜含毫掌上嬌
卿妮萬花吾妮酒
長憑歲歲繪新韶

宋徽宗白鷹歌

有蔡京
長題

秋氣稜稜散霜練坐令一時銀海眩金眸玉爪不凡材
扶搖塹息甯飛倦偷生巖穴狐兔喜待鼓風雲毛羽便
軒楹獨立光可鑒絛鞬欲脫瞬如電時當金人收國始
畫在甲午明年乙未爲金始收國應以金精先兆見戴角奮雄思燕薊

側目含愁在河汴以茲架上英異物或執藝事足以諫
奈何臣京齊物化但頌盛德忘憂患應誠神筆無復加
効祥勁翮在能變帝王游藝原不惡可惜陰陽嘉瑞言
滿殿臣諛主聖耽安宴於戲臣諛主聖耽安宴至今猶
保此殘絹君不見唐家真草屏風扇

補和蘇齋老人題文與可墨竹詩

五月十三日

清貧饒守胸中奇變而為畫溢為字

本東坡語

能以磅礴發

瀟灑枝枝葉葉誰敢偽坡云見竹不見人我將書勢論

畫勢此是夫人月下神後來作者無真意誰參向背墨

痕工丹邱仲圭莽游戲遂使雨娟風細影橫斜雜沓非

倫次請看小篠與森梢盡作蜿蜒蛟龍氣生機曲貫曳

尾起我欲持之恐其逝後卅三年得霜竿

丁酉

晁家所藏

蘇詩記兩公翰墨發英靈遙酌一盃逢竹醉卷中宣政

好裝褫批尾李

息齋王弁

等臺隸為公改作坡可庵使我

感懷淨因寺

補和覃溪老人題宋袁谿翁蘆鴈圖卷詩韻

十七年來寢食偕迢迢鄉夢粵江涯稻梁已愧官糜祿
贈繳先聞客系懷閱盡升沉霄漢路話來寥濶水雲儕
故山尙有鷺羣漱何日歸營平帖齋

大樹

天上雷霆震人間日月忙一蛙羞且怒衆鳥集而翔空
拔來丹劍真憐玩陸梁將軍含笑坐大樹正蒼蒼

題仇實父仿李晞古秋山行旅圖卷二首

秋風借畫入詩腸
水漸清冷木漸蒼
一樣雲山憑領受
山人閑處旅人忙

稜稜斧劈李家皴
賣畫臨安有替人
可識雲山經用好
一回拈出一回新

題王叔明松山書屋二首

有董香光
王百穀跋

正是松風得意時
筆花飛舞墨淋漓
可憐元季論人物
一代才多在畫師

鷗波宅相異凡仙
恠底香光說巨然
一榻涼風吾欲老
不如歸去寫雲烟

和儀徵相國師

予告歸里原韻

莘野志歸耕傳巖庸作舟寵利罔居成臣道昭千秋吾
師致太平德澤彌九州

恩予邦江歸人望蓬山頭晚節茂松菊小春發梧楸舊

雨谷林堂古風文選樓漆書快滿壁石畫欣新讐時方校刊

石畫記歲月永志怡林泉方日休當代有文獻大福長優

游平生景仰心還向圖中求曾繪師像作授經圖

道光乙未家菰甫修撰出主湖南鄉試道州何子

貞紹基領解時余爲監臨官越五年己亥子貞

以編修主福建鄉試菰甫宮允視學福建余待
罪聞藩榜發九月十一日小集藩署安民堂撫
今追昔作此二詩子貞復索爲墨緣重聚之圖
遂繪三人像並錄此詩圖成各藏其一二首

剩夢三湘又七閩今宵同得話前因明明鳳唳堂中月
了了龍頭榜上人衣鉢新添丹桂影節幢重認白袍身
五年有客垂垂老快見科名筆似神

會送清才到鳳池總憑藻鑑有人師匡劉經術今三嬪
馬鄭淵源此一時迴首風雲眞奮迅關心身世幾推移

蓬山他日巢痕在肯向羣仙數舊枝

寄和芸臺相國師題余授經圖原韻

事師四十年濫作門下客不得聞性道而或見奎壁迢
迢中外間冉冉歲華易質疑辯同異好古求竹帛蠹殘
但日守蛾術與年積吾師挈經手學究天人蹟戴孔窮
源流毛韓兼綜覈譬如雲霧撥獨向星斗摘高則抉精
微次亦富詮釋以茲治九省善政布方冊薄海靖鯨鯢
匝宇謳蒼赤政暇語吾徒學古期有獲膚功袞繡身大
福烟霞癖可知古完人靡不本經籍近遡春明遊半年

杖屨跡善問慚遲從足發愧回亦或訪益都柳或夢點

蒼石

師贈大理石小屏先見於夢作石夢詩冊

南來寫此圖神先到講席詩

花秋影紅種竹霜氣白鄭家草殊榮羊家鶴仍瘠迴首
五雲多長護相公宅恨無縮地術遂我比隣擇蜀岡仰
彌高閩嶠遠以僻及我尙未衰春風一鞭策

協揆英煦齋先生寄惠陟釐紙方于魯墨次韻荅

謝

左伯仲將非俗好佩阿起舞萍妃笑道是赫蹏有光耀
合與磨人老其貌陟釐萬番奉明詔南越海峇動廊廟

奚李之法方氏效珍重加茲寫經號

墨爲寫經而造

一幅一圭

寄海嶠恍我門前問經輿動我平生博物樂世甯有此
好風調吾師詩筆二王妙玉科顯然何以報白雲先生
今來到仰天拜手一狂叫

述職首途

庚子二月十日

君恩已得戀三年述職春程路五千自覺江山非少壯
又從去住數雲烟

督撫先後更替

溪光照我仍能潔草色依人

重可憐多少蒼生作新化此行須告

九重天

時查禁鴉片

水口

衆流聚一水千邨萬花柳照影各自媚誰與六十叟但
喜民力作橫縱富隴畝芋原多薯葛梅浦雜菱藕東家
起農塍西家麗漁留路人云此官食我南邦久自昔來
強壯及此已蒼耆寒暖土宜知豐歉地利剖况當官三
至三年歲其有爲官保衰年釀黍酌大斗

清風嶺

斯世多清官此嶺名清風却金與飲水心跡如天空奈
何後世人釣名名愈工萬傘萬民袍歌德尤頌功而官

居不疑吏卒紛相蒙試問道路人誰能窺其衷所以
聖人朝盡在明禁中今夕宿此嶺炯炯神鬼通峩復
峩峩庶幾鑒蒼穹

劍浦

荏苒仕宦久嘆息劍光起借問此劍光能照幾千里風
塵滿道路身世尙泥滓神物雷煥識望氣張華始到今
雙芒角隱見三溪水百花巖名留我春九峯送人紫原隰
亦旣平烟邨各歸市不必說劍來恐驚斗牛紀

夕陽嶺

又名臨江嶺

才度夕陽嶺夕陽明愈鮮客心感逶遲回首數華年憶
我初來時廿載春風前江山催少壯寒暑勞鞍韉老僧
閱世久重與記望弦宦轍有存亡人事多變遷惟有嶺
頭花歲歲長芳妍山亦不改高水亦不改淵振策下崔
嵬一輪光粲然

漁梁萬葉寺

萬花春不言萬山睡如夢一徑入窮杳仙風浩相送但
見地氣聚頗驚天宇空亂石閉人世恐是桃源洞茅屋
八九家良田自耕種左有金雞鳴

洞名

右挽匹練重載尋

古寺來敗葉依殘棟深山僧自老不解文字諷一笑悟
衆緣聊此憩塵鞿

仙霞嶺

長嘯古今來守險誰居高山山有岡巒水水有波濤此
嶺握閩吭當年王師勞親賢領三軍隻手珣戈操孤臣
蠟丸通逆孽氛饒遂使無諸壘生成蒙雨膏至今訪
遺跡春風開仙桃欲問浣霞客

太平曾幾遭茫茫思古人凜凜登神臯

清湖

一水聚衆船緒風度寒影昨夜東北風開窓看雪境浸
淫到檣櫓延沿及岡嶺入浙首此途笑此狂飈逞始覺
行路難幸有山水傾欲訪石室柯言采文溪苻三日走
百里客衾尙餘冷記此清湖棹以待天宇翫

桐廬

試酌十九泉言訪桐君廬桐君亦既往樹色空扶疏一
峯高矗天大江環其居及此乞靈草腹疾療河魚時患脾洩
山深有秀芝土厚有甘藷供我長生藥保我不才樗斯
世自流峙日月長紆徐霍然登山求恐有金匱書

長歌代柬寄陳厚甫

鍾麟

世路多風塵喜君抽身早白頭相對話前緣君是居人
我行道憶昔

先帝明光宮七十三人遇合同

已未館選
七十三人

石蘊山輝此

培養珠光劍氣紛凌空我幸學士登藥籠

芝師軒以識
學士分枝

君乃在師門中消夏梵竹清消寒唐花紅四座風飛筆

陣迅三更月醉詩才工狂歌彼此各年少掀天事業誰

雌雄共入諫垣洊樞直我佐比部君司農學士老作太

平相我出分陝南北峯我居南山南

陝安道

君居北山北

延安府 歲亦有寒暑日亦有暝昊相望不相見但付飛鴻翼豈知

聖人恩迢迢使我卽與君相見之江水君作巡方我廉使君有千金嬌我有不才子兔絲有期會有宜重以婚姻此焉始是時我已移黔嵩臨別爲君重致辭地有湖山風俗美他日萬人如海一身歸願結隣於菱荷之汴鴛鴦之渚豈知君已拂衣來薄視軒冕如浮埃西湖之北平泉開禿豪一枝酒一盃揮灑八法書縱橫二妙臺陶潛松菊自晚節屈原蘭茝非騷才有時酒後耳忽熱

馬蹄秋水同嘲詼歲歲孤山梅茫茫華胥槐我今過六
旬君亦八旬催同輩晨星餘幾哉待我秋風蓴膾人再
回與君清遊痛飲蒲萄醅

吳江順風

天地扁舟老江湖獨客情西南看月色浩蕩送風聲歷
歷古今事茫茫吳越程看書眼雖快不及此宵征

丹徒南閘

如櫛糧艘十里遙舟人阻淺待新潮可憐西北風聲緊
危坐孤篷度此宵

題宋人文姬歸漢圖卷

於戲天於漢室生才何其厚才子美人爲一手
中郎有女真不朽於戲斯人賦命何其薄萬里遠
被腥羶惡我欲問天天已隔但寫胡笳十八拍十
八拍歌以哀酸風爲我從天來曹瞞奸雄亦好事
千金萬綺人贖迴連錢鞍馬射生兒夾道關弓紛
護持父死國亡天亦老行行不見漢旌旗迴首蒼
茫沙漠地玉門生人今何意若向明妃青塚過一
曲琵琶幾聲淚

金閨夜雨

密匝寒雲鬱不開
波光燈影照胥臺
春風裙屐賒遊興
夜雨江山洗霸才
香水乍添晨棹泛
石湖先報晚鐘催
美人名士天涯路
獨聽蕭蕭襪被來

淮水四首

千古長淮水冠蓋自通津
昔日照前輩今朝照貴人
千古長淮水英雄多在野
怪底兒童笑有人出胯下
千古長淮水滔滔去不已
倘有黃石公何妨一取履
我過長淮水於今十四迴
古人俱寂寞惟見野花開

岔河行館紫牡丹

紫衣香染侍臣家何意今爲道路花草木爾應名極品
風塵吾自感恒沙昔年富貴春如夢老境文章歲又加
國色本難供俗目莫嗔韓令負穠華

宣髮

曾記皇華賦使臣又逢苞栩感勞人浮生性命君親路
上日馳驅少壯身六十八齡經楚陝五千餘里復燕閩
趨朝莫訝添宣髮不敢陳情到

九闌

載驅

打疊篝燈人載驅茫茫車馬此長途乍迴夜氣更三點
甫淨歔塵地一蘇已覺微涼生葛綳又防初曝逼簾與
呼天欲乞蒼生雨救我今年二麥枯

同懷弟彌光樸園編輯

子尙忠春卿

尙志任卿校字

石雲山人詩集卷二十止